

Ali mbeti á Polo sú fœ Timote Tshatshu o'o

Asœke kœdœ ali mbeti á Polo su fœ Timote. Polo na lima ga lakpi Listre lœ bisha ana gene nœ ye ndœ kœmindœ o'o ama Ndjaba (Akw 16.1-4) yeka á wu Timote. Lœkœ á Timote dji o'o ama Ndjaba, tshe wa 6a tœ lœsu ye mbœrœ kœza awa Yisu. Mbœrœ tœnœ ataa, endje na ana awa ndjoro dœ Polo yé œ mbœrœ akwa awa bale dœ she. Tshe kœdœ lima ayi avwa nœ Polo á tshe sœ lima kœvwa she na tœnœ djezœ lœ Ikrizia ndœ kœguma o'o œdœ ndje kœmi upu fœ ayindœ Yisu. Mbetinœ asœ gbœ lima Timote 6a lœ Efeze lœkœ á Polo vwa lima she adœke tshe na kœwu ayindœ Yisu á endje sœ lima 6a zœ yeka á kœza kœru lœsu fœ endje. Ala mbetinœ, Polo pa fœ she adœke tshe za tshelœ utu ayindœ Yisu adœke ala endje gbœ dœ azu á endje sœ kœyisœ œrœ á sœ kpi tœ Ɔtshœ O'o. Tshe pa ndje fœ she ndœ mara á li dœ ayindœ Yisu kœmbœrœtœ endje lœ Ikrizia œdœ pe mara á li ndœ kœke dœ agbozu Ikrizia.

Mbetinœ kurutshelœtœ ye atake:

- Abala (1.1-2)
- Soro nœ yindœ Yisu (1.3–3.13)
- Egerœ œrœ nœ Ndjaba á tshe za yiwa tœnœ tœ azu (3.14–4.5)
- Kœmi upu fœ Timote (4.6–6.21)

Abala

¹ Æmœ Polo, mœ kœdœ ayi avwa nœ Yisu Kristu á ayi kœshe azœ dœ Ndjaba œdœ Yisu Kristu á a ko lœsu azœ ga pa ye, za akwanœ asœ fœ mœ.

² Mœ sœ kœsu mbetincœ asœ fœ 6œ dœ Timote, adja gbolo nœ mœ lœ kœyindœrœ: Kaka adœke Aba azœ dœ Ndjaba œdœ Gbozu nœ azœ dœ Yisu Kristu ma ɔtshɔ lœsu, kœwu oyo ekperœ œdœ kœsœ gee nœ endje ga ndœ zœ.

Aayi kœyisœrœ nœ anga angbi o'o

³ Sœpe lœ ongbo Efeze, 6ata á mœ za lima o'o fœ 6œ ɔlɔ á mœ yi lima ndœ kœro ga lœ ogo Masedwane. Æ li adœke 6œ pa o'o dœ ɔgbɔ fœ anga azu á endje sœ kœyisœ anga angbi o'o kpi, adœke endje katœ nœ ti.

⁴ Pandœ nœ fœ endje adœke endje katœ kœdji ekpe ndœma toro, dœ kœdi uwu i'iri aata ndjoro. Mbœrœ, œ sœ kœmbœrœ adœke azu le lœma endje yé œ katœ kœmesho ga tœ gbetshelœ nœ Ndjaba á a wusœ nœ lœ awa nœ kœyindœrœ.

⁵ O'o á mœ za ti asœ sœ mbœrœ adœke kœyindœsho gerœ, œneke á to tœ œyerœ lœsu, tœ ɔtshɔ gbetshelœ œdœ tœ adja kœyindœrœ.

⁶ Mbœrœ anga azu katœ œrœncœ asœ ti, œ djingili awa, á tetœ kœpa o'o á œsœncœ lili nene.

⁷ Endje sœ kœzatœ endje adœke œne kœdœ ayi kœyisœ awa akwa, kashe endje wuwusœ neke kɔ á endje sœ kœyisœ nœ dœ gbɔgbɔ nene.

Adja akwa nœ awa akwa

⁸ A wusœ nœ adœke awa akwa sœ dœ ɔtshœncœ lœ mara á a mbœrœtœ azœ lindœ nœ.

⁹ Æ li adœke a wusœ neke dœ ɔtshœncœ adœke: Awa akwa sœsœ mbœrœ azu á endje sœ ndjii

nene, kashe ɔ sɔe mbɔerɔe aayi sharapu dɔe aayi gbɔkumu, aayi kɔevwaratɔe endje tɔe Ndjaba dɔe aayi kɔembɔerɔe ekperɔe, aayi kɔetshapu kɔedji Ndjaba dɔe kɔetsha ndje upu kɔelisɔe ɔeyerɔe ɔerɔe, aayi kɔewo aaba endje dɔe aayi endje, ɔedɔe aayi kɔewo azu,

¹⁰ aayi kɔepara awo azu dɔe pe aayi kɔepara akɔ azu, aayi kɔelo dɔe ayakoshe anga endje, aayi kɔeko azu yɔ ɔerɔe, aayi wala, aayi kɔedra ɔerɔe wala, ɔedɔe pe endjeneke kɔ á endje vwaratɔe endje tɔe ɔtshɔ kɔeyisɔerɔe.

¹¹ Wu ɔeneke á li dɔe ɔtshɔ O'o á to ɔa ndɔe Ndjaba á tshe sɔe lɔe mokɔ dɔe yanga. Ɖshe dá za fɔe mɔe adɔeke mɔe yisɔe nɔe.

Polo donga Gbozu Yisu mbɔerɔe ɔtshɔ lɔsu nɔe ye

¹² Mɔe gi mershe fɔe Gbozu nɔe azɔe dɔe Yisu Kristu á tshe to gbɔgbɔ fɔe mɔe ndɔe kɔembɔerɔe dɔe akwanɔe asɔeke. Tshe wu lima sɔe nɔe adɔeke mɔe mbɔerɔe akwanɔe dɔe lɔsu mɔe bale yekane á ke mɔe ndɔe akwa nɔe ye.

¹³ Ataa mɔe kɔepa lima ekpe o'o ga tɔe ɔkɔ ye, á mbɔerɔe lima ɔerɔe kanga fɔe she, á mbɔerɔe lima ɔerɔe dɔe gbɔkote ga tɔe ye, kashe tshe wu oyo mɔe mbɔerɔe ɔeneke á mɔe wuwu lima sɔe ɔerɔe á li dɔe mɔe adɔeke mɔe mbɔerɔe nene yé mɔe gugu lima ndje dɔe kɔeyindɔerɔe nene.

¹⁴ ɔtshɔ lɔsu nɔe Gbozu nɔe azɔe sɔe ga ndɔe mɔe tɔpanɔe kpuru. Tshe mbɔerɔe adɔeke mɔe sɔe dɔe kɔeyindɔerɔe ɔedɔe pe kɔeyindɔesho á to lɔe kɔengbɔtɔe azɔe dɔe Yisu Kristu.

¹⁵ Wu adja o'onɔe á li dɔe azu para kɔkɔ kɔeyindɔe nɔe dɔe lɔsu bale: Kristu Yisu na ga pashɔ mbɔerɔe kɔeshe azu á endje mbɔerɔe ekperɔe. Ɖmɔe, mɔe

kœdœ uzu á ekperœ nœ mœ ropanœ ugurutœ azu kœmboœœ ekperœœœ asœœœ.

¹⁶ Kashe Ndjaba wu oyo mœ, œ yindœ nœ adœke Yisu Kristu ma ugu lœsu nœ ye lœ awa nœ mœ dœ uzu á ekperœ nœ mœ ropa œœœ azu kœ, ßata kœyisœœœ mbœœœ azu neke á endje sœ dœ kœyindœœœ, á gbœ soro neke á ka nene.

¹⁷ Kaka Gbozu á tshe sœ sheko, Ndjaba á tshe tshu nene, á uzu wuwu she nene yé á tshe sœ tshebabale, sœ dœ kœlisœœœ œdœ mokœ waa dœ waa. Ame!

Kœnga œtshœ koshe

¹⁸ Timote gbolo nœ mœ, mœ za o'onœ asœke fœ ßœ lindœ œœœœ á endje gbara lima tœ upu nœ zœ. O'onœ asœœœ za gbœgbœ fœ ßœ yekane á ßœ kœnga œtshœ koshe.

¹⁹ Gbœndœ kœyindœœœ œdœ œtshœ gbetshelœ. Anga azu vwaratœ endje tœ kœœna manda gbetshelœ nœ endje yé œ ndi kœyindœœœ nœ endje ga ndœ Yisu.

²⁰ Aimini dœ Alekezandre sœ ugurutœ azunœ asœœœ. Mœ ko endje ti ga tshakane Satana mbœœœ á endje kœwusœ nœ adœœœ œ lili dœ endje kœgu œsœœ Ndjaba nene.

2

O'o tœ upu nœ avwala

¹ Mœ sœ kœza o'o utshunœ kœ adœœœ ayindœ Yisu yœndœ œœœ ga ndœ Ndjaba, œ za avwala nœ endje fœ she yé œ ki ga tœ ye dœ œ za ndje mershe fœ she mbœœœ azu para kœkœ.

² Æ li adœke endje za avwala fœ Ndjaba tœ upu nœ agbozu nœ Lita œdœ agbozu tshapa akwa kœ adœke kœsœ nœ azœ sœ lœ kœsœ gee yeka a kœkpa awa Ndjaba lœ kœzatœ azœ dœ mara á li fœ she.

³ Wu œrœ á sœ tœ ɔtshɔnœ, á za yanga fœ Ayi kœshe azœ dœ Ndjaba,

⁴ á tshe yindœ nœ adœke azu para gbœ kœshe yé œ li kœwusœ adjapu. Ætœnœ dœmœ.

⁵ Gbambanœ nene, Ndjaba sœ tshebale yé ayi kœguma tshagurutœ ye dœ azu ndje bale. Uzunœ kœdœ Yisu Kristu,

⁶ á tshe zatœ ye fœ kuzu mbœrœ kœshe azu kœ lœ kanga. Tshe mbœrœ dœ lœkœnœ á li tœ kœma adœke Ndjaba yindœ kœshe azu para kœkœ.

⁷ Mbœrœ tœnœ dá Ndjaba ke mœ adœke mœ dœ uzu kœpandœ ama œne, ayi avwa nœ œne. Mœ wuta ayi kœeyisœrœ fœ angbi azu adœke endje sœ dœ kœyindœrœ ga ndœ Yisu, œdœ kœyi ndje sœ adja o'o. Mœ sœ kœpa adja o'o, mœ papa wala nene.

Ayakoshe dœ ayashe lœ ngbœtœ nœ Ikrizia

⁸ Mœ yindœ nœ adœke tœ osho kœ á ayakoshe œ za avwala nœ endje fœ Ndjaba, endje sœ lœsu endje ngbi lœkœ á endje sœ kœti kane endje ga lafo. Endje katœ ókó yé œ lele lœ ama endje nene.

⁹ Mœ yi ndje ndœ nœ adœke ayashe verœ lœba nœ endje dœ mara á li, á sœ dœ ɔtshɔnœ kashe dœ egerœ kumu nene yé œ mbœrœ kumu endje dœ mara á sœ dœ ɔtshɔnœ. Endje katœ kœguma kumu endje dœ œrœ nœ œrœ, dœ œgbœ akidji œdœ pe ndje kœverœ lœba á amœnœ ropœ nœ ye.

¹⁰ Kashe endje guma ɔkɔ endje dœ kœmbœrœ ɔtshœrœ ɓata mara á li dœ ayashe á endje sœ kœpa adœke œne sœ kœkpa awa Ndjaba.

¹¹ Dœ lɔkɔ kœyambarœ, œ li adœke yashe sœ koko yé œ zatœ ye ga ati.

¹² Mœ zaza awa fœ yashe adœke tshe yisœ œrœ, ndje adœke tshe dœ gbozu ga pa yakoshe nene. Kashe œ li adœke tshe sœ koko.

¹³ Gbambanœ nene, Ndjaba mbœrœ lima Adamo utshunœ yekane á mbœrœ Eva manda nœ.

¹⁴ Yé œ doédœ Adamo dá Satana bili lima she utshunœ nene, kashe yashe dá tshe bili lima she yekane á tshe li lima ga lœ ekperœ.

¹⁵ Kashe œdœ yashe kœgbondœ kœyindœrœ œdœ kœyindœsho, á kœsœ yerœ yé á sœ ndjii tœ ala Ndjaba, adja Ndjaba œ she she lœ kœzu agbolo nœ ye.

3

Agbozu Ikrizia

¹ Wu adja o'onœ á li dœ azu para kɔkɔ: Œdœ uzu kœpara awa kœte gbozu tshapa Ikrizia, dá tshe yindœ ɔtshɔ akwa.

² Œ li adœke gbozu tshapa Ikrizia dœ uzu á endje gbagbagbara she nene. Tshe dœ ɔkɔ yashe bale, gbozu pa undu ye dœ tœ ye, uzu nœ ɔtshɔ gbetshelœ, uzu á œsœ ye li, uzu nœ kœza osho kœsœ fœ agene œdœ uzu á tshe li kœyisœ œrœ,

³ tshe doédœ kanga nœ ipi nene, ayi kœyi awa ga lœ azu nene, kashe tshe dœ uzu á tshe sœ lœsu ye ziti, tshe doédœ ayi œbœrœ too ayi egerœ lœsu ga pa ngendja nene.

⁴ Æ li adœke tshe wusœ kœgbøndœ azu tshelœ bingi nœ ye dœ tœ ye yé œ yisœ œrœ fœ agbolo nœ ye adœke endje dji upu dœ lœsu endje bale.

⁵ Uzu neke á tshe wuwusœtœ ye tœ kœgbøndœ azu tshelœ bingi nœ ye nene, tshe gbøndœ azu tshelœ Ikrizia nœ Ndjaba kotoo?

⁶ Uzunœ dœdœ uzu á tshe fatshalœsu ye ngœngœ nene, ete nene tshe tetœ kœdu okoro ye yé Ndjaba œ wa agbœ ngbanga ga tœ ye bœta á tshe wa lima ga tœ Satana.

⁷ Æ li adœke azu á endje gugu lœ Ikrizia nene pa œtshœ o'o tœ mara œtshœ ye, mbœrœ á tshe kœgbœgbœ tshula nene yé á tshe kœtete lœ gbanda nœ djaboro nene.

Aayi akwa tshelœ Ikrizia

⁸ Æ li ndje adœke aayi akwa* tshelœ Ikrizia dœ azu á œsœ endje li, á endje sœ ndjii lœ o'o endje. Æ lili adœke endje dœ akanga nœ ipi nene œdœ ndje azu nœ kœgbœ ngendja lœ ekpe awa nene.

⁹ Æ li adœke endje sœ dœ œtshœ gbetshelœ lœ kœyindœrœ ga ndœ o'o á Ndjaba mindœ nœ.

¹⁰ Æ li adœke endje tondœ endje utshunœ, manda nœ œdœ endje kœwuwu ekperœ lœ endje nene yeka á endje kœmbœrœ akwa nœ aayi akwa Ikrizianœ.

¹¹ Awo endje awa bale ndje, endje dœ ayashe á œsœ endje li, á endje dœdœ aayi parœ nene, agbozu tshapa undu endje dœ tœ endje, yé endje zatœ endje lindœ nœ lœ œrœ kœ.

* **3:8** Dœ o'o ama Greke, aayi akwa kœdœ Diakre

¹² Æ li adœke ayi akwa lœ Ikrizia dœ ɔkɔ yashe bale yé œ wusœ kœgbɔndœ agbolo nœ ye dœ pe azu bingi nœ ye para kɔkɔ.

¹³ Gbambanœ nene, ayi akwa lœ Ikrizia á tshe sœ kœmboœrœ akwa nœ ye dœ ɔtshɔnœ, azu œ lisœ endje yé endje pa o'o dœ awa nene lœ kœyindœrœ ga ndœ Yisu Kristu.

Egerœ œrœ á zatœ ye yiwa toœnœ

¹⁴ Mœ sœ kœsu mbetinnœ fœ 6œ dœ gbetshelœ adœke mœ yi kumu mœ ga ndœ zœ lœ ondonœ asœke.

¹⁵ Ataa œendœ mœ kœsœpe kœdi toœnœ damba, mœ su mbetinnœ asœke fœ 6œ adœke 6œ wusœ mara nœ á li dœ uzu kœgbɔndœtœ ye dœ tœ ye ugurutœ azu bingi nœ Ndjaba. Binginnœ asœmœ kœdœ Ikrizia nœ Ndjaba nœ soro, á sœ ɔata shara-gunda dœ pe œrœ á sœ kœgbɔndœ adja o'o.

¹⁶ Adjapu, o'onœ á a yindœ nœ, á za lima tœ ye yiwa toœnœ, sœ dœ egerœnœ. Ætoœnœ dœke: Kristu na œ matœ ye lœ ɔkɔ uzu, ɔtshɔ Ishiri pandœ nœ adœke œshe kœdœ uzu á tshe sœ ndjii, yé aandjelu wu lima she ye, endje mindœ ye fœ angbi azu, azu ndjoro yindœ ye pa ɔshɔ, Ndjaba za she ga lœ mokɔ ɔa lafo.

4

Afara œ mbœrœ adœke azu katœ kœyindœrœ

¹ ɔtshɔ Ishiri sœ kœpa ngbi adœke: Dœ lɔkɔ kœka tshapashɔ bala, anga azu œ katœ awa kœyindœrœ

nœ endje ti, œ te manda ishiri nœ afara dœ pe kœyisœrœ nœ adjabro.

² Ekpe azu dœ pe aayi kœpa wala œ fara endje dœ o'o ama endje. Afara nœ aayi walanœ ndi gbetshelœ nœ endje.

³ Endje sœ kœpakata azu tœ kœtotœ endje, œ sœ kœpakata azu tœ kœzi anga kœziœ. Andaa Ndjaba dá mbœrœ kœziœ. Ayindœ Yisu á endje wusœ adja o'o lindœ kœzi tœnœ yé œ za mershe fœ she.

⁴ Mbœrœ œrœ kœ á Ndjaba mbœrœ sœ tœ ɔtshœnœ, œneke á endje pakata nœ gugu nene œdœ a kœsœ kœzi tœnœ lœ kœgi mershe fœ Ndjaba.

⁵ Gbambanœ nene, o'o ama Ndjaba œdœ avwala sœ kœmbœrœ adœke œrœnœ asœmœ sœ yerœ.

Mara kœdœ ɔtshœ ayi akwa nœ Yisu Kristu

⁶ Œdœ 6œ kœyisœ o'o asœ kœ fœ aaya œdœ aayingœ, 6œ te bala ɔtshœ ayi akwa nœ Yisu Kristu. Asœke œ ma adœke 6œ te manda o'o nœ kœyindœrœ œdœ pe ɔtshœrœ á endje yisœ nœ fœ 6œ dœ ɔtshœnœ.

⁷ Kashe œ li adœke 6œ vwaratœ zœ tœ kœdji ekpe ndœma toro nœ ayawaza á sœ kpi tœ kœyindœrœ. Kashe zatœ zœ djigi fœ Ndjaba.

⁸ Kœkpa ɔrœ á uzu sœ kœkpa tœnœ adœke tshelœ ɔkœ œne sœ hara, œ sœ yara tœ ɔtshœnœ; kashe kœzatœ osho djigi fœ Ndjaba dá ropa œrœ kœ. Gbambanœ nene, uzu á tshe zatœ ye djigi fœ Ndjaba, tshe gbœ soro nœ kpesheke dœ œnœ tsham-batsha.

⁹ Wu adja o'onœ á li dœ azu para kœkœ kœyindœ nœ dœ lœsu bale.

¹⁰ Gbambanœ nene, œdœ a kœsœ kœwu oyo yé á sœ kœnga koshe, œ sœ mbœrœ a za lœsu azœ djigi

ga tœ Ndjaba nœ soro, á tshe dœ Ayi kœshe azu para kœkœ, kashe ayindœ Yisu kœropa nœ.

¹¹ Wu œeneke á li adœke 6œ mindœ nœ, yé œ yisœ nœ.

Timote, andiyi nœ ayindœ Yisu

¹² Uzu bale yiyiangba zœ mbœrœ á 6œ dœ gbolo modo nene, kashe ma œtshœ œtshœ zœ ga ndœ ayindœ Yisu, lœ o'o zœ, lœ kœsœ 6œ, lœ kœyindœsho nœ zœ, lœ kœyindœrœ nœ zœ œdœ lœ kœsœ yerœ nœ zœ.

¹³ Kœka œerrr ga tœ kœkwa mœ, zatœ zœ ko ga tœ kœdi Buku nœ Ndjaba, kœmi upu ndœ nœ œdœ kœyisœ nœ.

¹⁴ Kakatœ kœza gbœgbœ nœ œtshœ Ishiri á sœ lœ zœ ga tœ akwa nene. Tœ nœ kœdœ gbœgbœ á 6œ gbœ lima lœkœ kœgbara o'o tœ upu nœ zœ, á agbozu Ikrizia to lima kane endje ga pa zœ.

¹⁵ Gbe dœ kœmbœrœ œrœnœ asœke dœ œtshœnœ yé zatœ zœ kœ ndœ nœ mbœrœ azu kœ kœwusœ mara á 6œ sœ kœgerœ tœnœ lœ Yisu.

¹⁶ Gbœndœtœ zœ dœ tœ zœ œdœ ndje dœ kœyisœrœ nœ zœ dœ œtshœnœ kane yé œ ru lœsu zœ lœ œrœ kœ. Mbœrœ lœ awa nœ kœmbœrœ atamœ dá 6œ shetœ zœ dœ tœ zœ œdœ ndje azu á endje sœ kœdji 6œ.

5

Mara kœmi upu fœ ayindœ Yisu

¹ Mimi upu dœ œgbœ o'o fœ yagbozu nene, kashe mi upu fœ she 6ata aba zœ. Mi upu fœ amodo 6ata aaya zœ,

² fœ ayawaza 6ata aayi zœ, fœ ayawuru 6ata ayingœ zœ, lœ kœsœ yerœ nœ zœ.

Ayashe koya

³ Li æsœ ayashe koya, endjeneke á endje dœ adja ayashe koya.

⁴ Kashe yashe koya neke á tshe sœ dœ agbolo too dœ aatance, æ li adœke endje za kœyindœrœ nœ endje ga tœ akwa ga ndœ azu tshelœ adja bingi nœ endje yé æ mbœrœ œeneke á li adœke endje mbœrœ fœ aayi kœzu endje too fœ aata endje. Gbambanœ nene, ascœmœ dá sœ dœ ɔtshœnœ utshu Ndjaba.

⁵ Yashe koya neke á tshe dœ adja yashe koya, á tshe gugu dœ uzu kœgbœndœ ye nene, tshe za lœsu ga tœ Ndjaba. Tshe eshondœ œœrœ 6a ndœ ye, æ ki fœ she butshœ dœ ɔlœ.

⁶ Kashe ayashe koya á endje kœsœ kolœ dœ yanga œœrœ tshapashœ, ataa endje sœ dœ soro gbaa, endje tshu lœ ishiri endje ye.

⁷ Wu œeneke á li adœke 6œ mindœ nœ, mbœrœ á endje kœmbœœœtœ endje adœke azu kœgbagbara endje nene.

⁸ Œdœ uzu kœwuwusœ kœgbœndœ bingi nœ ye nene, adja azu neke á endje sœ scœnda nœ ye, dá tshe vwaratœ ye tœ kœyindœrœ yé tshe kœdœ ekpe uzu kœeropa uzu á tshe yiyindœ Ndjaba nene.

⁹ Yashe á endje sú i'iri ye gala mbeti nœ ayashe koya, kœdœ yashe á tshe sœ dœ ungu kœto kœœpa zazu voto, á i lima kolœ yakoshe bale.

¹⁰ Œ li adœke azu wusœ ye dœ ɔtshœ akwa nœ ye: tshe dœ yashe neke á tshe gbœ lima ndœ agbolo, á tshe sœ kœza osho kœsœ fœ azu, á tshe sœ kœdjuto ada* ayindœ Yisu yé á sœ kœgbe dœ azu á endje sœ

* **5:10** Kœdjuto ada azu kœdœ ambára kœza osho kœsœ fœ azu.

lœ oyo. Tshe dœ ndje yashe á tshe li tœ kœmbœrœ tshelœ aka ɔtshœrœ kɔ.

¹¹ Kashe susu i'iri avoro ayashe koya nene, mbœrœ lɔkɔ á endje kœsœ dœ ogo nœ ɔkɔ, endje vwaratœ endje tœ Kristu yé œ kpa yindœ kœi ayakoshe.

¹² Ataa, Ndjaba œ wa ɔgbɔ ngbanga ga tœ endje mbœrœ á endje ndi tshelœ ali o'o á endje wa lima.

¹³ Gapa nœ, ɓata endje sœsœ dœ akwa bale kœmbœrœ tœnœ nene, endje sœ kœna ana yoo yoo djelœ manda azu, kœpu lœma endje, kœli ga lœ o'o á dœdœ œnœ endje nene dœ kœpa o'o neke á gaga nene.

¹⁴ Mbœrœ tœnœ ataa, mœ yindœ nœ adœke avoro ayashe koya kpa i ayakoshe, œ zu agbolo, œ gbœndœ tshasœnda nœ endje, mbœrœ ayingba azœ kœgbɔgbɔ awa kœpatœ osho nene.

¹⁵ Gbambœnœ nene, ili anga endje djingili awa yé œ te manda Satana.

¹⁶ Ɛdœ anga yashe á tshe yindœ Yisu kœsœ dœ ayingœnœ á endje dœ ayashe koya, œ li adœke tshe to œrœ fœ endje; tshe kakatœ endje ti tœ Ikrizia nene, mbœrœ adœke Ikrizia kœgbe dœ endjeneke á endje dœ adja ayashe koya.

Agbozu Ikrizia

¹⁷ Agbozu Ikrizia neke á endje lœ kœkɔ ala endje tœ ayindœ Yisu dœ ɔtshœnœ, endje li adja kœgbɔ kœlisœtœ awa bisha, mbœrœ endje sœ kœzatœ endje ga tœ akwa nœ o'o ama Ndjaba yé œ sœ kœyisœ nœ.

¹⁸ Mbeti nœ Ndjaba pa adœke: «Ɛdœ 'e kœsœ kœwa ngwarœ dœ ngombe lœ kindi, i i ama ye

ga toẽnœ nene, yé œ li adœke ayi akwa gbɔ œrœ tshangba akwa nœ ye.»

¹⁹ Tœ kœwa ngbanga pa gbozu Ikrizia, œ li adœke atimu bisha too votɔ yindœ o'onœ yekane á 6œ kœwa ngbanganœ. Ete nene, œ li dœ 6œ kœvwaratœ zœ tœ mezanœ á endje tɔ pa ye asœmœ ye.

²⁰ Azu á endje sœ kœmbœrœ ekperœ, za ala endje tœ ala azu kɔ, á kœza ndje awa fœ anga udu azu kœmbœrœ ndje ekperœ.

²¹ Mœ sœ kœyu 6œ dœ ɔgbɔ 6a utshu Ndjaba, 6a utshu Yisu Kristu œdœ pe 6a utshu aandjelu nœ Ndjaba adœke, 6œ mbœrœtœ zœ lindœ œrœnœ asœke kɔ, dœ anga angbɪ gbetshelœ á sœ utshunœ nene, yé œ yindœ azu kɔ awa bale.

²² Toto kane zœ katsha ga pa uzu á tshe yindœ kœmbœrœ akwa fœ Ndjaba nene. Lili ndje ga lœ ekperœ nœ azu nene. Gbɔndœtœ zœ adœke 6œ sœ yerœ.

²³ Ndjondjo kolœ ungu nene. Kashe ndjo ndje vinu teasho mbœrœ kɔɔa tshelœ nœ zœ, mbœrœ á 6œ sœ ndje kœte kpɔɔkpɔɔ dœ kɔɔa.

²⁴ Anga azu lœ zœ á ekperœ nœ endje sœ ngbɪ utshu kœwa ngbanga pa endje kashe 6a ndœ anga endje, a wusœ ekperœ nœ endje kolœ manda kœwa ngbanga pa endje.

²⁵ Awa bale ndje, ɔtshɔ akwa sœ kœmatœ endje ngbɪ kashe á lili kœmatœ endje nene, œ za ndje tœ endje yiwa toẽnœ nene.

6

Akanga

¹ Azu neke kə á endje dœ akanga, œ li adœke endje lisœ ayengə endje lœ œrœ kə, mbœrœ adœke azu kœgugusœ i'iri Ndjaba œdœ kœyisœrœ nœ azœ nene.

² Akanga má agbozu tshapa endje kœdœ ayindœ Yisu, endje vwavwaratœ endje kœlisœ ayengə endje mbœrœ adœke endje kœdœ alaya endje nene. Kashe, endje kpa mbœrœ ɔtshə akwa fœ endje kœropa nœ, mbœrœ ayengə endje á endje sœ kœti kane endje dœ akwa galafo, endje kœdœ ayindœ Yisu á endje kə, endje yindœtœ endje.

ɔtshə kœzatœ osho fœ Ndjaba

Wu o'o á li adœke ɓœ yisœ nœ, œ za o'o mbœrœ tœnœ.

³ (Edœ anga uzu kœna dœ angbi kœyisœrœ, á kœsœsœ liaka o'o nœ adja o'o nœ Gbozu nœ azœ Yisu Kristu nene, too dœ kœyisœrœ nœ azu á li dœ kœyindœrœ nœ azœ nene,

⁴ uzu nœ asœmœ kœdœ uzu á kœzatœ osho bu ala ye. Tshe kœdœ uzu á tshe wuwusœ œrœ nene, ayi kɔɓa nœ sharapu á tshe sœ kœpara awa ndœ kœgbugburu tshelœ o'o gbambanœ. (Eroenœ kə asœmœ sœ kœza awa fœ úkú, kœbœrœtœ azu pa o'o, kœgu osho, ekpe gbetshelœ,

⁵ kœbœrœtœ azu pa o'o á ádánœ gugu nene ugurutœ azu á kœwusœrœ nœ endje fu. Endje kpa sœsœ kœwu adja o'o nene yé œ gbe adœke kœzatœ uzu fœ Ndjaba kœdœ kœte ayi kœgbə ukpulu œrœ.

⁶ (E dœ adjapu adœke kœzatœ uzu fœ Ndjaba kœdœ kœte ayi kœgbə ukpulu œrœ kashe œ li adœke uzu za lœsu ye ga pa œneke á tshe sœ dœ tœnœ.

⁷ Mbœrœ a na lima tshakane azœ gbambanœ ga pashœ, awa bale a gu ndje tshakane azœ gbambanœ.

⁸ Yé œdœ a kœsœ dœ kœzirœ, œdœ a kœsœ dœ lœba kœverœ ga tœ azœ, œ li dœ azœ kolœnœ ataa.

⁹ Kashe azu neke á endje yindœ kœgbœ ukpulu œrœ, endje li ga lœ afara. Endje yo ga lœ ama úkú mbœrœ ogo indi nœ endje dœ ekperœ, á ndi azu yé á mbœrœ adœke azu djingili awa.

¹⁰ Gbambanœ nene, ekperœ kœ to lœ kœsœ dœ egerœ lœsu ngendja. Anga ili azu para awanœ, œ gitœ endje zara lœ kœyindœrœ nœ endje. Endje shokœ o'o ga tœ œkœ endje dœ tœ endje.

Ɔtshœ akwa nœ kœyindœrœ

¹¹ Kashe œbœ, uzu nœ Ndjaba, kpa awa œrœnœ kœ asœke. Para awa tœ kœsœ ndjii, kœzatœ zœ fœ Ndjaba, kœsœ dœ kœyindœrœ, kœsœ dœ kœyindœshœ, ugu lœsu œdœ pe kœsœ dœ lœsu ziti.

¹² Nga Ɔtshœ koshe tœ upu nœ kœyindœrœ, tepa soro á ka nene dœ œgbœ, á Ndjaba e bœ ndœ nœ yé á bœ pa lima o'o kœyindœrœ utshu azu ndjoro.

¹³ Atamœ, mœ sœ kœza o'o fœ bœ utshu Ndjaba á tshe za soro fœ œrœ kœ, dœ Yisu Kristu á tshe pa lima Ɔtshœ o'o ngbi tœ upu nœ kœyindœrœ lœkœ á Pose Pilato sœ lima kœwa ngbanga pa ye, mœ za o'o fœ bœ adœke:

¹⁴ gbœndœ awa akwa á bœ gbœ, sœ yerœ adœke azu gbagbagbara bœ nene œrrr ga tœ lœkœ kœkwa Gbozu nœ azœ dœ Yisu Kristu,

¹⁵ á Ndjaba œ ma dœ lœkœ á tshe guma. Ndjaba kœdœ Gbozu nœ gbœgbœ kœ, Gbozu nœ yanga kœ, Gbozugo nœ agbozugo œdœ Gbozu nœ agbozu,

¹⁶ kolœ œshe á tshe wuwu kuzu nene, tshe sœ lœ ɔɔ á uzu bale œ li kœwuta ɔa zœ nene. Uzu bale á tshe wu lia she gugu nene yé uzu á tshe li kœwu ndje she gugu nene. Kaka mokɔ œdœ gbɔgbɔ á ka nene sœ fœ she! Ame.

Kœmi upu fœ ayi kœgbɔ ukpulu œrœ

¹⁷ Mi upu fœ ayi kœgbɔ ukpulu œrœ ɔa pa ɔshɔ adœke endje dudu okoro endje nene yé œ zaza lœsu endje djigi ga pa œrœ á œndœnœ œ di nene, kashe endje za lœsu endje ga pa Ndjaba, á tshe sœ kœto œrœ fœ azu adœke endje sœ dœ yanga mbœrœ tœnœ.

¹⁸ Za o'o fœ endje adœke endje mbœrœ ɔtshɔ akwa, endje te ayi ukpulu œrœ lœ ɔtshɔ akwa yé œ sœ hara hara tœ kœkurutshelœ œrœ nœ endje dœ anga azu.

¹⁹ Atamœ, endje gbɔ ɔtshœrœ á œndœnœ œ di mbœrœ endje dœ tœ endje bala mbatsha, mbœrœ kœtepa adja soro.

Ndɔngɔɔ abala

²⁰ Uu Timote, gbɔndœ kœyisœrœ á endje yi lima sœ nœ fœ ɔœ dœ ɔtshœnœ kane. Kpa awa kœpa o'o ngbili ngbili á sœ kœyiangba Ndjaba œdœ o'o á azu gbe adœke œtœnœ kœdœ adja kœwusœrœ, kashe œ dœdœ tœnœ nene.

²¹ Anga azu gbe lima adœke œne sœ dœ mara kœwusœrœ atamœ, œ gitœ endje zara lœ kœyindœrœ nœ endje.

Kaka ɔtshɔ lœsu nœ Ndjaba sœ dœ 'e.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983